

Reglugjörð

102

24. júlí

um notkun og meðferð rafmagns í Vestmannaeyjasýslu.

1. gr.

Rafmagnsstöð Vestmannaeyjasýslu selur öllum rafmagn innan þess svæðis, sem taugar stöðvarinnar ná yfir, að svo miklu leyti, sem afl stöðvarinnar nægir til, samkvæmt eftirfylgjandi skilmálum.

2. gr.

Meðan rafmagnið er eingöngu notað til lýsingar, verður rafmagnsstöðinni lokað frá 20. maí til 31. júlí ár hvert, svo og á hverjum degi meðan dagsbirta er nægileg og ljósa þarf alment ekki við. Þó mun venjulega hleypt straumi á þræðina yfir lágnættið þegar ástæður leyfa, einnig á tímabilinu 20. maí til 31. júlí. Breytingar á þessu ákveður súslunefndin fyrir ákveðinn tíma í senn, eftir því sem við á, og eftir því til hvers rafmagnið frekar verður notað, og verða þær breytingar auglýstar notendum með hæfilegum fyrirvara og á venjulegan hátt.

Á þeim tíma, sem vjelarnar eiga að vera í gangi, má því aðeins stöðva þær eða taka af strauminn, að brýna nauðsyn beri til sökum aðgjörða eða annara tálmana, er ekki verði hjá komist, og skal þá jafnan aftur hleypa straumnum í þræðina svo fljótt, sem unt er.

Breytingar og aðgjörðir og viðtengingar á nýjum línunum, skulu, að svo miklu leyti, sem hægt er, fara fram á þeim tímum, sem stöðin er lokað.

Komi það fyrir, að stöðin sje lokað sökum aðgjörða eða af öðrum ástæðum, sem ekki verður hjá komist, lengur en tvo sólarbringa í senn, á þeim tíma, sem hún á að vera opin, skal draga frá $\frac{1}{300}$ hluta af árgjaldinu fyrir hvern sólarhring, sem fram yfir er. Að öðru leyti ber stöðin gagnvart straumnotendum enga ábyrgð á lokun, sem stafar af ófyrirsjáanlegum og óviðráðanlegum atvikum (vis major), en skemdin verður bætt svo fljótt, sem unt er.

3. gr.

Hver, sem óskar að fá lagt inn til sín rafmagn eða breytt eldri innlagningu, skal senda stöðvarstjóra skriflega beiðni um það með nákvæmum upplýsingum um hve mikið rafmagn hann vill fá alls, hvort hann hugsar sjer seinna að bæta meiru við, og öðrum upplýsingum nauðsynlegum fyrir innlagninguna. Stöðvarstjóri sendir umsóknina með athugasemdum sínum til rafmagnsnefndar, og nefndin ákveður því næst, hvort innlagningin skuli leyfð eða ekki, og hve mikið

102 gjald skuli greitt. Stöðvarstjórinn tilkynnir umsækjanda úrskurð nefndarinnar, 24. júlí og skal sú tilkynning vera komin til hans ekki seinna en þrem vikum eftir að stöðvarstjóri fjekk umsóknina.

Áður en byrjað er á innlagningunni, skal hlutaðeigandi umsækjandi með undirskrift sinni á eitt eintak þessarar reglugjörðar skuldbinda sig til þess að uppfylla allar þær kröfur, sem reglugjörðin gjörir til hans.

Pöntun á rafmagni sje bindandi að minsta kosti fyrir eitt ár frá því umsóknin kom stöðvarstjóra í hendur. Hafi þá ekki verið sagt upp með mánaðar-fyrirvara, skoðast pöntunin gildandi fyrir næsta ár o. s. frv.

4. gr.

Húsálmur leggur rafmagnsstöðin á sinn kostnað frá aðalálmunum að húsinu alt að 50 metra. Standi hús lengra en 50 metra frá næstu aðalálmu, kostar húseigandi það, sem fram yfir er, en stöðin lætur sjálf undir öllum kringumstæðum vinna verkið og kostar sjálf uppsetning á öryggjunum. Ef sjerstakir örðugleikar eru á lagningu húsálma, getur stöðin krafist endurgreiðslu á þeim kostnaði, en ef svo stendur á, skal gjöra húseiganda aðvart fyrirfram.

Aðaltaugakerfi stöðvarinnar má ekki stækka nema með samþykki sýslunefndar.

5. gr.

Innanhússtaugar, lampa og önnur áhöld, vjelar o. s. frv. skal setja upp á kostnað hlutaðeigandi umsækjanda af löggiltum innlagningarmanni. Enginn nema sá eða þeir, sem sýslunefndin að fengnum tillögum rafmagnsnefndar og stöðvarstjóra löggildir til þess, má leggja inn taugar, setja upp lampa eða önnur rafmagnsáhöld eða vjelar, er setja á í samband við rafveituna, nje heldur breyta eldri innlagningu eða fást við svipuð störf, er að rafveitunni lúta, hvort heldur utan húss eða innan.

6. gr.

Nú hafa verið lagðar inn taugar eða áhöld sett í hús eða breyting gjörð á eldri innlagningu, og má þá ekki taka innlagninguna til afnota fyr en stöðvarstjóri eða fulltrúi rafmagnsnefndar hefir skoðað og prófað innlagninguna og vottað að hún sje fullnægjandi. Álitist innlagningin ófullnægjandi skal hlutaðeigandi innlagningamaður laga hana þannig, að hún sje fullnægjandi.

7. gr.

Enginn má án leyfis rafmagnsnefndar taka rafmagn úr taugakerfi sýsl-

unnar nje aðhafast neitt það, er valdið geti skemdum á rafmagnstaugunum eða **102** öðrum rafmagnstækjum, sem notuð eru í sambandi við taugarnar, hvort heldur ^{24. júlí} er á húsi hans eða utan þess. Brjóti nokkur gegn ákvæði þessu, skal hann greiða fullar skaðabætur og sæta sektum, sje verkið ekki þannig vaxið, að þyngri hegning liggi við samkvæmt hegningarlögunum eða öðrum lögum.

8. gr.

Hver rafmagnsnotandi er skyldur að sjá um svo sem konum er unt, að innlagning hans ætíð sje í góðu lagi. Komi ólag á rafmagnstæki eða rafmagnstaugar í húsi þannig, að skemdum geti valdið á taugum eða áhöldum rafmagnsveitunnar t. d. öryggi hrökkvi í sundur eða að bilun sjáist á einangrun á leiðsluþráðum, þá skal húsráðandi tafarlaust tjá það stöðvarstjóra.

Þar sem rafmagn er notað til ljósa skal varast að taka í sundur ljóstækin, straumsnerlana, tengihylkin o. s. frv.

Húsráðandi ber ábyrgð á öryggjum innan hús, en rafmagnsstöðin utan.

9. gr.

Sýslunefndin áskilur sjer einkasölu á rafmagnslömpum og öðrum rafmagnstækjum, er setja á í samband við rafveituna.

10. gr.

Rafmagnsnefndinni er heimilt að banna að nota gamla lampa og önnur áhöld, sjeu þau eftir álitni hennar orðin ótrygg eða til tálmunar góðum rekstri.

11. gr.

Stöðvarstjóri og umboðsmaður rafmagnsnefndar skulu ætíð hafa frjálsan aðgang alstaðar þar sem eru taugar eða áhöld, sem standa í sambandi við aðaltaugarnar, til þess að rannsaka hvort alt sje í góðu lagi.

12. gr.

Nú vanrækir rafmagnsnotandi skyldur þær, er hann hefir samkvæmt þessari reglugjörð og skal þá stöðvarstjóra heimilt að slíta sambandi við hann til bráðabirgða og að fullu með samþykki rafmagnsnefndar. Notandi ber fulla ábyrgð á öllum afleiðingum, sem af vanrækslunni kunna að stafa.

24. júlí

Pegar sjerstaklega stendur á, er sýslunefndinni heimilt að veita undanþágu frá ákvæðum þessarar reglugjörðar. Rísi ágreiningur útaf einstökum ákvæðum sker sýslunefndin úr.

14. gr.

Stjórn rafmagnsstöðvarinnar skipar stöðvarstjóri, sem sýslunefndin skipar, og rafmagnsnefnd, sem sýslunefnd kýs. Í nefndinni eru 3 menn er sýslunefnd kýs til eins árs í senn, tvo innan og einn utan sýslunefndar. Stöðvarstjóri hefir ekki atkvæðisrjett á fundum rafmagnsnefndar, en bæði málfrelsi og tillögurjett. Nefndin kýs sjálf formann úr sínum flokki.

Stöðvarstjóra ber að fylgja í öllu fyrirskipunum rafmagnsnefndar, en nefndin gefur fyrir hver árslok sýslunefndinni skýrslu um störf stöðvarinnar um leið og ársreikningurinn er lagður fram.

Sýslunefndin hefir yfirstjórn stöðvarinnar á hendi.

15. gr.

Reglugjörð þessari, svo og gjaldskránni fyrir notkun rafmagnsins, má breyta með samþykki stjórnarráðsins.

16. gr.

Brot gegn reglugjörð þessari varða, að svo miklu leyti sem þyngri hegningarákvæði ekki taka til þeirra, sektum alt að 100 krónum, sem renna í sveitar-sjóð Vestmannaeyjahrepps, og skal farið með mál útaf þeim, sem almenn lög-reglumál.

Reglugjörð þessi er hjermeð sett samkvæmt lögum 3. nóv. 1915 um rafmagnsveitur, og birt til eftirbreytni öllum þeim, sem hlut eiga að máli.

Í stjórnarráði Íslands, 24. júlí 1916.

Einar Arnórsson.

Jón Hermannsson,